

HÍN 120 ára - afmælishátíð



©Helgi Guðmundsson

Allt frá stofnun Hins íslenska náttúrufræðifélags 16. júlí 1889 hefur eitt helsta baráttumál félagsins verið að koma upp náttúrugripasafni í Reykjavík. Stjórninni þótti því vel við hæfi að minnast 120 ára afmælisins með málþingi um framtíð hins nýja Náttúruminjasafns Íslands. Afmælisfundurinn var haldinn í Bókasal Þjóðmenningarhússins 28. desember 2009.



©Helgi Guðmundsson

Auk afmælisræðu formanns héldu Guðmundur Páll Ólafsson líffræðingur, Sigurjón Baldur Hafsteinsson lektor og Ólöf Ýrr Atladóttir ferðamálastjóri erindi við góðar undirtektir viðstaddra. Eftir kaffi tóku Ásborg Arnþórsdóttir ferðamálafulltrúi, Jón Gunnar Ottósson forstjóri, Svandís Svavarsdóttir umhverfisráðherra, Katrín Jakobsdóttir mennta- og menningarmálaráðherra, Helgi Torfason safnstjóri, Eygló Friðriksdóttir skólastjóri og Hilmar J. Malmquist ritari HÍN þátt í pallborðsumræðum. Í lok afmælisfundarins bauð mennta- og menningarmálaráðherra gestum til móttöku.



Skýrsla stjórnar Hins íslenska náttúrufræðifélags fyrir árið 2009

Aðalfundur haldinn 27. febrúar 2010
í Kórnum, fundarsal Náttúrufræðistofu Kópavogs

Félagsmenn

Félagar í Hinu íslenska náttúrufræðifélagi voru 1.241 í árslok 2009 en voru 1.176 í byrjun ársins þannig þeim fjölgaði um 65. Á árinu gengu 110 manns í félagið en á móti sögðu 27 sig úr félaginu, 12 létust, sex voru strikaður út af öðrum ástæðum og 7 félagar færðust milli flokka. Af þeim sem gengu í félagið voru 75 háskólanemar eða tæplega 70%. Skýringin á þessari miklu aukningu milli ára var átak sem farið var í meðal nemanda í náttúrufræðum við Háskóla Íslands sem stjórnarfélagið Esther Ruth Guðmundsdóttir og Friðgeir Grímsson stóðu fyrir. Í tengslum við átakið var nýjum félögum boðið upp á tilboðspakka með eldri árgöngum Náttúrufræðingsins.

Stjórn félagsins

Á aðalfundi félagsins 28. febrúar 2009 voru stjórnarmennirnir Esther Ruth Guðmundsdóttir og Hilmar J. Malmquist endurkjörin en Friðgeir Grímsson gaf ekki kost á sér til endurkjörs vegna flutnings til útlanda. Í stað Friðgeirs var Ester Ýr Jónsdóttir framhaldsskólakennari kjörin í stjórnina.

Á fyrsta stjórnarfundinum eftir aðalfund skiptu stjórnarmenn með sér verkum:

Esther Ruth Guðmundsdóttir, varaformaður

Kristinn J. Albertsson, gjaldkeri

Hilmar J. Malmquist, ritari

Droplaug Ólafsdóttir, meðstjórnandi; situr í ritstjórn Náttúrufræðingsins

Ester Ýr Jónsdóttir, meðstjórnandi; umsjón með fræðslufundum

Helgi Guðmundsson, meðstjórnandi; umsjón með ferðum.

Stjórnin hélt átta fundi á árinu. Netfang stjórnarinnar er stjorn@hin.is.

Heildarskýrsla stjórnar birtist í Náttúrufræðingnum skv. samþykktum félagsins

Starfsmenn félagsins

Hrefna Berglind Ingólfssdóttir er ritstjóri Náttúrufræðingsins. Hrefna hefur einnig umsjón með félagatali og afgreiðslu HÍN. Hrefna er starfsmaður á Náttúrufræðistofu Kópavogs en samstarfssamningur er milli félagsins og Náttúrufræðistofunnar um þessi verkefni.

Náttúrufræðingurinn

Árið 2008 kom út einn og hálfur árgangur Náttúrufræðingsins, tvöfalt hefti 77. árgangs (3.-4. hefti) og tvö tvöföld hefti 78. árgangs (1.-2. hefti og 3.-4. hefti). Samkvæmt viljayfirlýsingu HÍN og Náttúrufræðistofu Kópavogs frá september 2006 var áætlað að 78. árgangur kæmi út í lok ársins 2008 og með því lyki átaksverkefninu sem ætlað var að vinna upp þá seinkun sem orðið hafði á útgáfu Náttúrufræðingsins. Útgáfan var því ári á eftir þeirri áætlun um s.l. áramót en vinna við 79. og 80. árganga gengur vel og reiknað er með að 79. árgangur komi út á næstu vikum.

Náttúrufræðingurinn á veraldavefinn

Í byrjun ársins samdi Hið íslenska náttúrufræðifélag við Landbókasafn Íslands – Háskólabókasafn um ljósmyndun gamlalla árganga Náttúrufræðingsins þannig að allt tímaritið yrði til rafrænt. Haustið 2009 lauk safnið verkinu og Náttúrufræðingurinn varð aðgengilegur með fimm ára töl á veraldarvefnum, www.timarit.is HÍN fékk 500 þúsund króna styrk til verkefnisins frá Náttúruverndarsjóði Pálma Jónssonar.

Félagsbréfið og heimasíðan

Félagsbréfið kom út þrisvar sinnum á árinu. Fyrsta Félagbréfið með boð um aðalfund félagsins kom út í byrjun ársins, þá kom bréf út um haustið með dagskrá fræðsluerinda vetrarins og síðasta Félagbréfið kom út í desember þar sem afmælisfundur félagsins var auglýstur.

Auglýsingar og ágríp fyrir fræðsluerindin birtast á heimasíðu félagsins (www.hin.is) með góðum fyrirvara. Fyrirspurnir til félagsins og stjórnar berast reglulega í gegnum heimasíðuna og einnig nýtist hún við innritun nýrra félagsmanna.

Nefndarstörf

Dýraverndarráð. Margrét Björk Sigurðardóttir er fulltrúi HÍN.

Nefndir umhverfisráðuneytis. Ýmsar nefndir á vegum umhverfisráðuneytis hafa einn sameiginlegan fulltrúa frá frjálsum félagasamtökum og koma félögin sér saman um tilnefningar.

Starfshópur til að kanna rekstrarhorfur félaga á sviði umhverfismála. Umhverfismálaráðherra Kolbrún Halldórsdóttir setti af stað vinnu við að kanna þessi mál vorið 2009. Í hópnum voru Guðmundur Hörður Guðmundsson, Tryggvi Felixson og Kristín Svavarsdóttir og skiluðu þau skýrslu til ráðherra s.l. haust.

Fræðsluerindi

Fræðsluerindi félagsins voru haldin kl. 17:15 á síðustu mánudögum vetrarmánaðanna. Þau tíðindi urðu í byrjun ársins að fræðsluerindin voru flutt frá Háskóla Íslands en HÍN hafði þá boðið upp á fræðsluerindi þar í næstum 70 ár. Ástæða flutningsins voru miklar hækkanir á leigu salarins sem félagið stóð ekki undir. Félaginu bauðst aðstaða fyrir fræðsluerindin í sal Menntaskólans við Sund og er hér þakkað fyrir þann stuðning. Sex fræðsluerindi voru haldin á árinu. Eitt þeirra, erindi Dr. Helga Björnssonar, var haldið í Salnum í Kópavogi í samstarfi við Jökklarannsóknafélag Íslands og Bókaútgáfuna Opnu.

Samtals mættu 383 manns á fræðsluerindi félagsins á árinu, eða að meðaltali 64 manns á hvern fund. Friðgeir Grímsson og Ester Ýr Guðmundsdóttir sáu um skipulag og framkvæmd fræðslufundanna.

Árið 2009 voru eftirtalin erindi haldin:

- Dr. Árni Einarsson líffræðingur hélt í janúar erindið „Lífrikiskreppur í Mývatni“.
- Rannveig Magnúsdóttir líffræðingur hélt í febrúar erindið „Pokadýr í Ástralíu“.
- Dr. Friðgeir Grímsson steingervingafræðingur hélt í mars erindið „Jurtir í jarðsögu Íslands“.
- Snævarr Guðmundsson ljósmyndari og stjórnumskoðunarmaður hélt í apríl erindið „Stjórnumhímininn yfir Íslandi“.
- Jóna Björk Jónsdóttir líffræðingur hélt í október erindið „Gróðurframvinda í Skaftáreldahrauni og áhrif hraungambra á landnám háplantna“.
- Dr. Helgi Björnsson jöklafræðingur hélt í nóvember erindið „Jöklar á Íslandi í upphafi 21. aldar og framtíðarhorfur“.